

MISA CON NENOS - 25 de novembro de 2018

Ordinario 34º - B

Ev. de Xoán 18, 33-37: “Ti o dis: son rei”.



**Loar, facer reverencia  
e servir a Xesús,  
meu Rei.**



## 1. ACOLLIDA

Amigos e amigas: Chegamos hoxe ao último domingo do tempo ordinario celebrando a Cristo como Rei do Universo. Dikir que Cristo sexa o noso Rei queremos dicir que el é o máis importante para nós, que é centro das nosas vidas, que o miramos constantemente e acudimos a el. Que esta eucaristía sexa un dar grazas polo que Xesús nos dá, pola luz e forza que nos transmite. E que, cun corazón misericordioso como o seu, sigamos construíndo o seu reino de paz, de xustiza, de vida e de amor.

(Saímos coa cruz, o cartel de Fano deste domingo e a mensaxe se se quere: “Loar, facer reverencia e servir a Xesús, meu Rei”).

**SAÚDO SACERDOTE:** *O Señor Xesús, que quere reinar no noso corazón, sexa convosco...*

## 2. PERDÓN

**(Sacerdote):** *A nosa vida debería loar e servir a Xesús Rei, pero ás veces servímonos a nós mesmos. Pedímoslle perdón.*

-**Posible... pai-nai**) Ti que por amor deches a vida por nós. *Señor, ti tes piedade de nós.*

-**(Posible... caequista)** Ti que por amor perdoas os nosos pecados. Cristo, ti tes piedade de nós.

-**(Posible... neno - nena)** Ti que queres que convertamos o noso corazón. Señor, ti tes piedade de nós.



### 3. PALABRA DE DEUS

#### MONICIÓN ÁS LECTURAS

Na primeira lectura o profeta Daniel anúncianos a Xesús cuxo “reino non terá fin”. No evanxeo, Xesús ante Pilato declárase Rei pero aclara que o seu reino non é como o dos reis deste mundo, el é un Rei servidor que dá a súa vida para salvarnos. No libro da Apocalipse descubrimos a Xesús como o camiño a seguir por todos nós se queremos seguir construíndo o seu reino de vida de amor e de paz.

## LECTURAS

#### DANIEL 7, 13-14:

*O seu poder é un poder eterno.*

Seguín mirando. E na miña visión nocturna vin vir unha especie de fillo de home entre as nubes do ceo. Avanzou cara ao ancián e chegou ata a súa presenza. A el déuselle poder, honor e reino. E todos os pobos, nacións e linguas servírono. O seu poder é un poder eterno, non cesará. O seu reino non acabará.

*Palabra do Señor.*

**SALMO 92: R/. O Señor reina, vestido de maxestade.**

#### APOCALIPSE 5, 1-8:

*O príncipe dos reis da terra fíxonos un reino e sacerdotes de Deus.*

## **XOÁN 18, 33-37: *Ti o dis: son rei.***

**Narrador:** Naquel tempo, Pilato díxolle a Xesús:

**Pilato:** -«Es ti o rei dos xudeus?».

**Narrador:** Xesús contestoulle:

**Xesús:** -«Dis iso pola túa conta ou dixéroncho outros de min?».

**Narrador:** Pilato replicoulle:

**Pilato:** -«Seica son eu xudeu? A túa xente e os sumos sacerdotes entregáronte a min; que fixeches?».

**Narrador:** Xesús contestoulle:

**Xesús:** -«O meu reino non é deste mundo. Se o meu reino fose deste mundo, a miña garda loitaría para que non caese nas mans dos xudeus. Pero o meu reino non é de aquí».

**Pilato:** -«Entón, ti es rei?».

**Narrador:** Xesús contestoulle:

**Xesús:** -«Ti o dis: son rei. Eu para isto nacín e para isto vin ao mundo: para dar testemuño da verdade. Todo o que é da verdade escoita a miña voz».

***Palabra do Señor.***

***(Narrador-Pilato-Xesús)***

## 4. ORACIÓN DA COMUNIDAD

*(Sacerdote):* Ao Pai que é a fortaleza dos débiles e a luz para toda a humanidade, dicémoslle:

**-Señor, que che abramos a porta á túa chamada.**

**-Ensínanos a vivir con esperanza confiando na túa palabra.**

1.- Pola Igrexa para que sexa portadora de paz, de esperanza e confianza. Oremos.

2.- Polos pais e nais de familia, para que aprendan a amarse e sexan bos educadores dos seus fillos. Oremos.

3.- Polos que seguimos a Xesús que toca no noso corazón, para que o deixemos entrar e habite na nosa vida. Oremos.

4.- Polos que sofren os golpes da vida, para que confíen en Deus e compartamos con eles a vida. Oremos.

5.- Por todos nós, para que nunca perdamos a esperanza, sempre confiemos en Deus e nos fiemos da súa Palabra. Oremos.

6.- Pola nosa comunidade, para que coa mirada fixa no ceo sexamos testemuñas da vida que Cristo nos prometeu. Oremos.

7.- Para que nesta Xornada dos Pobres aprendamos “a amar o pobre loitando contra todas as pobrezaas espirituais e materiais”. Oremos.

*(Sacerdote):* Escoita, Pai, o que che acabamos de pedir, por XNS.

## 5. PRESENTACIÓN DE DONOS

### - UNHA CORONA DE ESPINAS E UNHA ALMOFÍA CON AUGA:

Neste día de Cristo Rei, con esta coroa de espinas e una almofía con auga queremos simbolizar que o reinado de Xesús, leva consigo a entrega, darnos aos demais, poñernos en actitude de servir. Non podemos lavarnos as mans ante as necesidades dos demais.

**-CAXATO:** Ademais, con este caxato, queremos simbolizar a autoridade de Xesús. A súa Palabra, a súa presenza, os seus consellos, as súas orientacións, son para nós unha guía, luz e forza para seguilo hoxe. El é o noso Rei, non nos apartemos nunca del. Adorémolo e sirvámo-lo no irmán pobre.

- **PAN E O VIÑO:** Finalmente, co pan e o viño, queremos dar grazas a Deus porque, o seu reino, sempre nos trae o alimento necesario para vivir como persoas e como cristiáns. Que nunca nos falte o pan da Eucaristía.

## 6. SUXESTIÓNS:

-Saímos coa cruz, o cartel de Fano deste domingo e a mensaxe se se quere: “Loar, facer reverencia e servir a Xesús, meu Rei”.

-Para a homilía poderíamos disfrazar a un cos atributos de Rei ao uso (trono, coroa, cetro, manto) e outro de Xesús (trono da cruz, coroa de espinas, o cetro do servir e o manto do amor). Explícase que Xesús é un Rei distinto que vén construír un reino onde se viva o servizo e o amor.

-Para a homilía poderíanse facer en grande os reis da baralla explicando que Xesús é Rei pero non como os reis da terra (que son como os da baralla). E explicamos. O Rei de ouros: é o Rei do ouro, do diñeiro; Xesús quere estar cos pobres, non mercar e ter. O Rei de copas: é o Rei da troulada e do pracer, non do traballo e do esforzo; Xesús é austero, con poucas cousas e traballador. O Rei de espadas: é o Rei do poder, cun exército grande; Xesús é o príncipe da paz; O Rei de bastos: é o Rei da violencia; Xesús non utiliza a forza senón o amor, o perdón, a paz e a misericordia. A este Rei si que merece a pena quere-lo, seguilo.

-Dialogamos sobre o que habería que facer para que os pobres sexan a coroa da nosa cabeza (acordémonos máis deles) e do noso corazón (amémolos).

-Con cartolina facemos unha coroa grande. Cada neno vai pegando nela un corazón mentres len: “Dar a Xesús unha coroa de ouro, é pouca cousa. Dar a Xesús unha coroa de espinas, non o merece. Imos darlle unha coroa de amor, o noso amor representado nestes corazóns, porque o amor con amor se paga”.

## POSIBLE ORACIÓN DE GRACIAS

### *Que veña o teu Reino*

**Noso Pai que estás e reinas no ceo,**  
que estás tamén e queres reinar na terra;  
axúdanos a ser e vivir como irmáns.

**Que o teu nome sexa bendito,** santificado,  
respectado;

que todos che coñezan, e que nós te deamos  
a coñecer na nosa vida.

**Que veña o teu Reino:** que veña a xustiza,  
a solidariedade, a paz;  
que ninguén morra de fame, nin de sede, nin de  
odio;

que ninguén sexa explotado, oprimido,  
que ninguén sexa excluído, marxinado,  
discriminado.

**Que veña o teu Reino,** o teu Espírito,  
e aprópiase dos nosos corazóns  
e empece neles a reinar con forza,  
para que nos empeñemos xa en facer a túa  
vontade na terra, como se fai no ceo;  
para que anticipemos xa no noso chan  
o reino de solidariedade que hai no ceo. **AMÉN.**

*José E. Ruiz de Galarreta*

**FELIZ DOMINGO, DÍA DEL SEÑOR.**

**RED CATEQUISTAS GALICIA**